

جمعیت علمیة اسلامیه نك ناشر افکاریدر


مدیر مسئول :
مکتب قضاة معلملرندن
کایسلی منیر

سرمحرر :
فانغ مجیز درسعاملرندن
توقاد مبعوثی
مصطفی صبری

صاحب امتیاز :
فانغ مجیز درسعاملرندن
استانبول مبعوثی
مصطفی عاصم

مندرجات

مقام مشیختک تبلیغاتی	بر مصاحبه	م. صفوت
صراط مستقیمه جواب	عرق صعیفلمش عجبا نه دن	برکوبلی
حکمت غزنه سنه جواب	ادبیات	
اون بش، اون آلتی سنه اول	نوحه تغافل	طاهر المولوی
یا زلمش اثر لرمندن	دکه بیلمشچی ؟	ع. خیری
مقام مشیخت اسلامیه به	غزل و قطعه	م. صفوت



نسخه سی ۱ غروشدرد

آبونه اجرتی (پوسته اجرتیه برابر در)

مالاک اجنیه ایچون :
۱۳۰۰۰ فرانق
» ۶،۵۰۰

استانبول وولایات ایچون :
بر سنه لکی ۵۰ غروش
النی آیلنی ۲۵ »

درج اولنیاں اوراق اعاده ایدلنز

قارئلرمنزه

۱ کتر مقالاتنه آیات کریمه واحادیث نبویه درج ایدلنش بولندینی نظر اعتباره آله رق رعایتسزلکنده بولنلامسی رجا اولنور .

در سعادت

محمود بك مطبعه سنده طبع اولنمشدر



پازار ایرتسی کونلری نشر اولور دینی ، ادبی ، سیاسی و فنی هفته لق غزته در .

صراط مستقیم رفیقہ زک باش . مقاله سندن :

م-برال

قولرایه دائر

آل دیغمز مکتوبلرک برنده دنیورک :

« بر زمانر مملکتہ قولرا کبی ، وبا کبی مستولی
برخسته لق کانجه فدا کاراق یایله رق باره ایله حافظلر
طوتیلیر ، و مملکتک اطرافنی دور ایتدیر یایردی ، بوکون
استانبولده ، جوار و لایتلرده قولرادن ایجه تلفات
اولدینی روایت ایدیلایورکن هیچ او یاه بر تشبده بولمق
کیسه نك عقلنه کلیمور . صراط مستقیم حکومتہ بواسکی ،
فقط دیندارانه اصولی احیا ایتمنی توصیه ده بولنسه
بیوک بر خیر ایشله مش اوله جق . . . »

أوت ، بویله بر اسکی اصول واردی ، لکن هیچ
بر وقت دیندارانه دکل ایدی ! حکومت سابقه موقعنی
تحکیم ابجون ملته صوات ایدن فلا کتلدن بیله استفاده
ایتمک ایستردی ، یوقسه ساری خسته لقلره قارشنی

باب والای فتوا پناهیدن بالعموم جوامع

ومساجد شریفه ائمه و مؤذنینه

برمدتن بری دارالخلافة العلیه ایله بعض ممالک
عثمانیه ده حکمفرما اولان قولرا خسته لکنک عون
وعنایت باری وامداد روحانیت جناب رسالتپاهی ایله
اندفاعی و ملک و ملت اسلامیه و کاهنه تبعه عثمانیه نك بالجمله
آفاتدن مصون اولمسی حقنده ایفای دعوات و تضرعات
جمله مؤمنین و مؤمنات ابجون وجیبه ذمت اولمقله
بالعموم جوامع و مساجد شریفه ده قبل الصلوات مؤذنلرک
سوره احقاف تلاوت و بعد الصلوات صلوات منجیه قرائت
وجهه ائمه طرفلرندن ذکر ایدیلان خسته لکنک اندفاعی
تضرعاتنك رفع بارگاه احدیت قلمسی تبلیغ اولنور .

نظامات صحیحہ میں تمامیلہ تطبیق نہ باقیہ برتدیر اولہ مایہ جغنی
پک اعلیٰ بیلیردی .

بیلیرزدہ یوکسک سسلہ تلارت ایدیان بخاریلر
خستہ انی دفع ایتک ایچون دکل ، سادہ دل خالقک حسیات
دنیہ سنی اوقنا بہرق خلوصکار بر پادشاهہ اخلاص جلب
ایتک ایچون ایدی . یوقسہ بر طرفدن تاروسہ
حدودندہ کی قولر انک کولیکہ سندن اورکدک سرابندہ
اک صبقی تدابیر تحفظہ میں ایفا ایتدیرن ؛ دیگر طرفدن
کاخانلر طولوسی کتب دنیہ میں جایرجایر یاقدیران آدمک
بخاریلر ، صلوٰۃ وسلاملرہ ذرہ قدر اہمیت ویرمیہ جکئی
آزینجی دوشونلر پک قولای کسیرہ بیلیر ایدی .

ایچہ بیاملی یزکہ کرک منفرد ، کرک ساری نہ قدر خستہ لق
وارہ ، ازالہ میں ایچون طبابتک توصیه ایدہ جکی تحفظی ،
شفائی تدابیردن باشقہ پایلہ جق برشی یوقدر . اساساً
بر کوبلینک بیلہ یقیناً بیامسی ایجاب ایدن بو بسیط
حقیقت ، بزى او تہذہبری پک چوق الداتقلری ایچون ،
حالا اولانجہ وضوحیلہ کوزیمزہ چارہ میور !

شریعت غرای اسلامیلہ نک طبابتہ نہ بوبوک بر موقع
ویردیکئی ہمیز بیامورزدہ صوکرہ ایکی اوچ ریا کارک
سوزیلہ بنہ اوشریعتہ استناد ایدرک اک جلی حقیقتلرہ
قارشى اغراض عین ایدیورز !

حضرت پیغمبر « جناب حق ہیچ بر خستہ لق
ویرمہ مشدرکہ دواسنی دہ ویرمش اولماسین . او حالہ
او دوائی آرملیکیز » بویوریور . طبابتدن باشقہ برشی
اولمیان علم ابدانی علم ادیان قدر تقدیر بویوران پیغمبردن
اودوانک دعا کنابلرندہ آرائسی لازم کلہ جکی کبی بر
اشارت یاخود بر تصریح ایسہ اصلاً واقع اولمامشدر .

نہ حاجت ! صورت قطعہ دہ تحریم ایتدیکی شرابی
حاذق بر طبیبک سوزی اوزرینہ تحلیل ایدن ؛ طبابتی
علی العادہ صنعتلر درجہ سندنہ طونمق شویلہ طورسون
تخصیصیلی فرض کفایہ در ، دین بر دین سماوی نصل

اولورده اطبائك وظیفہ سنہ مداخلہ ایدر ؟

اعظم اسلافک ترجمہ حاللری ، اثرلری اوقورکن
پک چوقلرینک طبیب اولدقلری ، زمانلرندہ کی ترقیات
طبیہ میں تمامیلہ احاطہ ایتش بولندقلری کورمیورمیز ؟
حکمای اسلامدن طبابتلہ اوغراشان یالکیز ابن سینا ایلہ
ابو بکر رازی دکدر . پک چوق اکا بر امت عقلاک ،
نقلک بو صنعت جلیلہ ویردیکی موقع حرمق حقیلہ
تقدیر ایدرک فوق العادہ چالیشمشلر ، بولندقلری عصرہ
کورہ فوق العادہ یارارقلر کوسترمشلردر ،

بر زمانلر طبابتک اوقور یازار فرقه ایچون تحصیلی
مجبوری فنون صیرہ سندنہ بواندیغہ ایسہ مدرسلریمزک
اسمی دلالت ایدیور .

هر کسجہ معلوم اولان بو حقائق تکراردن
مقصدمیز اوقومقلہ ، اولہ مکملہ خستہ لق مداوانتہ
قالیشمق ظن ایدلیدیکی کبی دیندارانہ بر اصول اولدیغی ،
بزم دینمزہ اصلاً بویلہ برشی صیغما یہ جغنی سویلہ مکدر .
قرآن کریم خستہ ملرہ ، اولولرہ اوقومق ایچون
نازل اولمامشدر . قرآنہ کی شفا ، حملہ نک آکلادیکی
کبی دکدر ! . .

فقرہ مشهور دریا : اعرا بیلک بری اویوزہ طوتیلمش
دولری ایچون حضرت علیدن دعا ایستہ مش ؛ مشار -
الیہدہ اویوزہ قارشى اک مأثور دعالرک قطران قدر مؤثر
اولہ مایہ جغنی سویلہ مشدر .

حاذق طبیبلریمز قولرایہ قارشى اک نافع برتدیر
شخصی وارہ اودہ بیہ جکہ ، ایچہ جکہ یعنی « حمیہ » یہ
دقتدن عسارتدر ، دیہ باغیروپ طورورکن حالا
بر چوغمز - متوکلاً علی اللہ - بیس بوغازلقدن کری
طورمایور ! طوغریسی توکلکی پک ایی اکلامشز !

اللہ عشقنہ اولسون دین خالص ایلہ ربائی بربردن
آییرم ؛ محض حیات اولان شریعت اسلامیلہ میں
جهالتمزہ ، مسکنتمزہ ، حماقتمزہ بر حجت کبی ایراد

بونلره متعلق خصوصلرده مذهب حقلک دلیانی مشتمل ومذاهب باطله یی مبطلدر. کذلک قرآن، اخلاق مذمومه نك تفصیلی مشتمل وبونده مندیج اولان مفاسدی بین و اخلاق فاضله وعالیه واعمال محمودیه ارشادی محتویدر.

ایشته قرآن کریم بونوع امراض روحانیه شفا اولدیغی کبی امراض جسمانیه یه ده شفادر. چونکه قرآنک قرآنیه تبرک ایتک بر جوق امراضی دفع ایدر. حتی جمهور فلاسفه کنديسندن بر حقیقت منفعتم اولمیان رقیه وعزائمک تحصیل منافع ودفع مفاسد خصوصنده پک جوق آناری اولدیغی اعتراف ایتشلردر. شو حالده جلال وکبری الیهنیک ذکرى، ملائکه مقربینک تعظیمى، شیطینک تحقیرى کبی پک مهم شیلری مشتمل اولان قرآن عظیم الشانک حصول منفعت بطریق الاولی سبب اوله جنی مستغنی بیاندر. بونی حضرت پیغمبردن مروی اولان (من لم یستشف بالقران ولا شفاه الله تعالى) حدیث شریفی مؤیددر «بیوربور».

اکثر مفسرین مشار الیهک اثرینه اقتفا ایلدیکی کبی بعض مفسرین (من) کلمه سنی تبیین معناسنه آلهرق قرآن کریمک تقویم دین واستصلاح نفوس ایچون مرضیه ویریلان دوانک شفا ویردیکی کبی شفا ویرر اولدیغنه ذاهب وبعض مفسرین ده (من) کلمه سنی تبعیض ایچون آلهرق فاتحه وایت شفا کبی بعض آیات قرآنیه نك مرضیه شفا اولدیغنه قائل اولشلردر.

خلاصه اکثر مفسرین بوآیت کریمه نك شفا نك امراض جسمانیه یه ده شفایه دلالت ایلدیکنه قائل اولشلر و بر جوق احادیث شریفه ایله استدلال ایتشلردر.

آیت کریمه نك بوجهندن ساکت اولدیغنی تسلیم ایدم جک اولورسه ق بوکا دائر شرفوارد اولان احادیث شریفه نه دنیه جکدر. ذاتاً علما وفقهانک معنوی استشفانک ده مشروعیته قائل اولملری عندی برشی اولوب احادیث شریفه دن استنباط صورتیه در بورایه احادیث

ایدوب طورمایلم. لب شریعتی کتاب اللهدن، سیرت رسولی حدیثدن آلهمایه جقه سق کتاب الله ایله، سنت رسول ایله عامل اولان حقیقی مسلمانلری پیشوا اتخاذ ایدم.

یوقسه دین ایله آردلرنده کی مسافه بعدالمشرین اولان جهله جماعته، یاخود خذله امته اویه جق اولسه ق قولرالر، وبالر حقمزده عین رحمتدر!

محمد عاکف

بیان الحق

قولیرانک عات ساریه اولدیغنی وغیر مرئی «مقروپ» حشیرات واسطه سیله نقل ایدیه بیلمسی قواعد شرعه مخالف اولدیغنی وعلم طب، نظر شریعتده بیوک براهیتی حائر بولندیغنی کچن نسسخه مزده بیان وایضاح ایتمش ایدک. بنساء علیه بالایه درج ایلدیکمز مقساله نك بو جهتلرینه اشتراک ایله برابر تلاوت قرآن، ذکر، دعا، صلوٰۃ ایله استشفانک غیر مشروع اولدیغنه دائر تضمن ایلدیکی قطعی بیاناتده اصابت شرعیه کوریه مدیکشدن نقل، عقلا ردی ایچون برقاچ سوزسویله کوزوم کوردک شویله که استشف بالقرآنک مشروعیتی فقهما، مفسرین، محدثین علما طرفندن قبول ایدلمش بر کیفیتدر.

صاحب مقاله نك اشارت ایلدیکی (ونزل من القرآن ما هو شفاء ورحمة للمؤمنین) آیت کریمه نك تفسیرنده علوم عقلیه ونفایه یی جامع اولان افتخار انعالما امام فخرالدین رازی تفسیر کبیرنده «قرآن عظیم الشان امراض روحانیه شفا اولدیغی کبی امراض جسمانیه ده شفادر. امراض روحانیه شفا اولدیغنی پک واضحدر زیرا امراض روحانیه، ایکی نوع اولوب بریسی اعتقادات باطله دیکری اخلاق مذمومه در. اعتقادات باطله نك فساد جهتندن اشدی الهیات، نبوات، معاد، قضا، قدر کبی شیلرده اولان اعتقادات فاسده در که قرآن کریم

شریفه بی درجه لزوم کورمیز. آرزوایدنلر کتب حدیثک
بجث مخصوصنه مراجعت ایدم بیلورلر .

اقوال فقها و علمایه اعتبار ایتیموب کتاب وسنت
ایله عمل ایتیمک ایتیانلرده بومثلهنک غیر مشروع
اولدیغنه قائل اولمه مازلر . (ابن القیم الجوزیه) اعلام
الموقین نام کتابندن احادیث شریفه دن استنباطاً رقیه ،
تعوذات ، دعوات ، و ادویه ایله تدوینک مستحب
اولدیغنی تصریح ایتمشدر .

ایشته منقول بودر . برده معقوله مراجعت ایدم .
دفع مصائب ایچون تلاوت قرآن، ادعیه مأثوریه دوام
ایتمک ندن جائز اولسون ؟ برکمه اطبانک توصیه
ایده جکی شیلرد رعایتله برابر مغویانده مراجعت ایدرسه
نه کبی مضرت تولید ایدر بوقه جمنده عنادی واردر ؟
امام فخرالدین رازینک جمهور فلاسفه دن نقلا ذکر
ایلدیکی دلیلی بوکون اطبامزده قبول ایدیور . اطبانک
تداویندن عاجز قالدیغنی بعض خسته لر اوقومقله کسب
صحت ایلدیکی واردر . حتی اعتقاد تامه مالک اولان بر
خسته یه اعصابنک استراحتی ایچون بعض امراضده
اطبا اوقومق توصیه ایتدیکی ده کوریلور . قولیرانک
اجرای نفوذینه قورقو اوهام کبی شیلرک تأثیری اولدیغنی
غیر منکردر . بر مؤمن حقیقی اطبانک توصیه سنه رعایتله
برابر دعادن تلاوت قرآننده استفاده ایدم جکنه معتقد
بولورسه بالطبع اعصابی مستریح واحوال روحیه سی
مطئن اوله جغندن بعنایة الله تعالی خسته لکدن مصون
قاله بیلیر .

دور حمیدیه عرض اخلاص ایچون بخاری شریفلر
اوقومسی و حافظلرک تلاوت قرآن، ایللری بونلرک
غیر مشروع اولدیغنه دلالت ایدم . بر مشروع اولان
شی اک ظالم و غدار اولان بر حکمدار زماننده اجرا
ایدیله جک اولورسه ینه مشروعدر . بر غیر مشروع
اولان شی اک عادل برپادشاه زماننده اجرا ایدیله جک
اولورسه ینه غیر مشروعدر .

ایشته استشفای مغوینک - قلا ممنوع اولمدیغنی بالاده
سرد ایتدیکمز دلایل ایله تظاهر ایلدی . یالکمز شوراسنی
تسلیم ایدرکه اهالمز یالکمز الله توکل ایدرک اطبانک
توصیه سنه رعایتده قصور ایدیورلر . بونی اهایلیه
اکلا تمق لازمدر . توکلک نه دیمک اولدیغنی بیلدیرمک
ایترز . اسباب مادیه و ظاهریه سنه تشبث ایله برابر
جناب حق توکل ایتیمک و اطبانک توصیه سنه رعایت
ایلمک و خصوصیه قوایرانک سرایتی محقق واکا قارشی
اتخاذ ایدیله جک تدابیرک فائده سی مجرب اولدیغندن
بوزمانده نظافته مأکولات و مشروبانه اعتنا ایلمک
احکام شرعیه اقتضاسندن اولدیغنی و یالکمز دعا و توکله
محصور قالمق شرعاً غیر جائز اولدیغنی اهایلینک ذهنته
یرلش دیرمک لازمدر . بوده تلاوت قرآن ایله تبرک
و استشفای صورت قطعیده انکار ایدرک غرضتونلرینه
درج ایتیمکله دکل جاهل اهایلیه علوم و معارفک تعمیمیه
حاصل اوله جقدر .



الحق بالاتباع الحق

حکمت غزته سنک حکمیات قمنده مفتی فخرالدین
امضالی یالیزلی کله لرله تعریضی جمله لرله یالکمز کندی
ادعاسنجه مندرجاتی بر حکمت قطعیده بشقه برشی
اولمدیغنی ایما ایدن عوام پسندان بر . مقاله مصادق نظر
مطالعه من اولدی . . فاضل مومی الیهی متحسس اولدیغنی
حسیات ملیه و وطنپرورانه سندن طولانی تبریک ایله
برابر بزده دیرزکه : « واعدوا لهم ما استطعتم . . . »
امر جلیل الهیسی اوکنده زانوزده سجده اقتیاد اولمق
هرزمان ، هریرنه ، هر مؤمنه فرض اولدیغنی بیان یوزلرجه
ملیون اهایلی اسلامیه نک بویه بر زمانده دکل معاونت
ملیه جمعیتک تکلیف ایتدیکی قرق پاردهی ؛ بلکه انده
أوجنده کنی حتی چولوق چوجنک نفقه سندن بیله